

ODBOR ZA ZAŠTITU LJUDSKIH PRAVA I SLOBODA
NOVI PAZAR, SANDŽAK

ADRESA: OSMANA ĐIKIĆA BR. 2 - 36300 NOVI PAZAR, SANDŽAK - TEL./FAX 0038 20 29 312



_____ 199_ god.

IZJAVA

Ime i prezime ALIJA BUROVIĆ datum rođenja _____ 1954.
Mjesto selo Čitluk, Sjenica br. lk. i mjesto izdavanja 34566 SUP Sjenica
Datum događaja 28.12.1993. mjesto događaja SUP Sjenica u koliko sati 7 i 30
Imena svjedoka Burović Nusret, Burović Hafiz, Burović Medo
Ko je povredio vaša prava pripadnici MUP-a Srbije

OPIS DOGAĐAJA

U ponedjeljak 27.12.1993.god. oko 15 sati došli su njih trojica milicionera (Milan Nedić, Dragan Paunović i još jedan) pred Hafizovu kuću. Tražili su mene i brata mi Hafiza. Mile Nedić je bio u civilu. Izašli smo obojica a Hafiz ih je pozvao u kuću na kahvu. Rekli su da prvo moraju jedan posao da završe s nama pa onda ako bude se za kahvu ući će.

Rekli su da su došli povodom nekih automatskih puški. Rekao sam im da mi to nemamo. Nedić je rekao "nemojte se nancupisati, bolje sad dajte nego da vas vodimo". Opet sam ponovio da nemamo nikakvu automatsku pušku a niti bilo šta drugo na što je Nedić rekao Draganu Paunoviću da nam napiše i uruči poziv da se javimo u SUP Sjenica, u 7 sati narednog dana.

U stanicu milicije u Sjenici smo se javili u 7 sati izjutra. Nedić nas je pitao "jeste li se smislili" na što smo mi odgovorili da nema šta da se mislimo. Jedno vrijeme čekali smo u hodniku nakon čega nas je Nedić pozvao u jednu sobu. Hafiza je uveo u njegovu kancelariju a mene u salu i rekao mi da imam tri minuta da se smislim. Rekao sam da nemam šta da se smislim i da sam imao šta već bih ga dao i ne bih dolazio ovdje. Izašao je i otišao u svoju kancelariju, gdje je bio Hafiz. Tada ga je neko vrijeme, čuo sam udarce. Onda je ušao kod mene i opet me pitao jesam li se smislio. Ponovo sam mu ponovio da nemam ništa i da nemam šta da se smislim kad nemam na što me je on udario pendrekom u rame pa onda šakom

.../...

DATUM _____
MJESTO _____

IZJAVU DAO

Alija Burović

IZJAVU UZEO U IME ODBORA

M. Kipuljanin

u predjelu glave (u vilicu). Pao sam. On mi je prišao i rekao mi da skinem sve sa sebe i dobacio mi "misliš ako si se tako obukao da te neće bolet". Ja sam skinuo jaknu a on me je udario još tri puta pendrekom po ledjima. Rekao mi je da imam tri minuta da se smislim i ponovo je otišao da bude mog brata Hafiza.

Kad je ponovo ušao kod mene odmah me je udario pendrekom po glavi. Pao sam i izgubio sam svijest. Pokušavao sam ustati kad sam osjetio jak udarac pendrekom u želudac. Ošamario me jednom i dvaputa me udario pendrekom u predjelu stomaka.

Nakon toga mi je rekao da pokupim odjeću sa stola i da dođem u njegovu kancelariju kod Hafiza. Tamo nam je rekao da imaju informacije da mi posjedujemo oružje i da nam je rok da ga do 6 sati naveče (18 sati) predamo miliciji u Budjevo. a da smo zasad slobodni.

U stanici milicije u Sjenici zadržani smo oko 40 minuta (od 7 sati i 30 minuta do 8 sati i 10 minuta).

U Sjenici,
28.12.1993. god.

Sjenica, 28.12.1993. god.

Eyupudin Džepić
(izjavu dao)